

重脩順德府志序



凡志之佳者宜續而
蕪者宜脩續如緒先
生之於龍門曹大家
之於孟堅踵事而已
脩則如李延壽之於

序一

徐序

八書宋子京之於舊
唐書多有增減同異
我

國家治化翔洽文教覃
敷

世宗憲皇帝

詔開一統志館各直省脩
志乘甚盛典也

皇上龍飛以來仁漸義摩
化行俗美凡郡邑之
書錄其掌故以昭一
道同風之盛上諸蘭

序二

徐序

臺固有司所宜任矣
余自雍正乙卯出守
湖廣鄖陽尋丁外艱
服闋補授直隸永平
府甫一歲調河間二
郡均為畿輔重地

每閱其志慨然壯之
蓋永志脩於宋荔裳
先生河間志脩於吾
宗梅溪公皆名進士
工文辭二書足稱信
史惟歷時既久思有

序三

徐序

以續之顧在永則為
日淺河間以賑務未
遑歲丁卯夏四月調
守順德竊意順志必
與永平河間相埒乃
繙閱之下體例全無

眉目不辨又事在康熙
庚申以前厥後事實
皆未登載爰以脩
志事請之大方伯嘉
善朱公公曰子向居
史館文章撰述職分

序四

徐序

事也蓋亟脩諸退而
商之屬邑咸踴躍從
事特以文獻無徵惴
惴不克卒業是懼尋
有金川之役徵發不
遑問志事賴

天子德威遠播川逆嚮順
大軍凱旋己巳秋復
有

巡幸中州之命將道由順
德采風問俗諮詢疾
苦尤宜纂輯成書用

序五

徐序

效周禮誦訓掌道方
志之義且值歲豐民
樂風雨以調獄訟稀
少得悉心鉛槧以觀
厥成於是旁搜博考
訂訛補遺益以庚申

後七十餘年事蹟卷
凡十有六門二十有
六義取簡質不欲艱
故蹈常稍涉汎濫雖
未足媲美於楮先生
李延壽諸人而使一
庶可備

序六

徐序

輜軒之採擇云爾昔王
元美茅鹿門不得居
史局以其才自傷余
出典四郡愧不能以

經術飾吏治竊效柳
子厚文章報國之意
於從政之餘削汗青
於既往發潛德之幽
光亦外史之一局也
志成書此呂明續脩

序七

徐序

之顛末若謂好為更
張欲駕前人而上之
豈余之心也夫

乾隆十五年歲次庚
午季秋

賜進士出身翰林院庶吉

士知順德府知府事
晉陵徐景曾撰



序八

徐序

重脩順德志序

通志者國史之根也而郡縣志者又通志之本也周官內史掌邦國之志外史掌四方之志下至閭閻族師黨正上歲月有書焉小行人又及其

序一

恒序

萬民之利害為一書其禮俗政事教治刑禁之逆順為一書其悖逆暴亂作惡猶犯令者為一書其札喪凶荒厄貧為一書其康樂和親安平為一書凡此以物者皆國

辨異之以及所以王以周知
天下之故此郡縣有志
之權輿也夫如是詎獨合
之而以成通志采之而以成
國史也哉因地制宜而循
吏之善政二於是焉出爾

序二

恒序

本朝太平日久

聖聖相傳化成俗定幅員之廣
超越漢唐各直省已有通
志扼要提綱可以見大一統
之規模而各府州縣有同在一
方而此疆不二小利病懸殊

者非俱有成素不能周悉
無遺而得其繁簡中最之
實也順德乃古大陸廣阿
之地漳滏諸水滌繞其間
為畿南雄郡舊志頗善
而已止於兵燹順治年間

序三

恒序

所纂已非其舊殷志僅据
之而脩宜乎無雜缺漏而未
為典要也今郡伯武進徐
省菴以詞臣出守河間而調
任於此慨舊志之漫滅記載
之不詳身任之論精心搜采

集衆長而一冊其條分梯
比不漏不支凡幾閱月而書
成可稱實錄而兼有三長矣
余適奉

命來藩茲上方期與賢守牧令
釐剔更新宣播德澤其淺

序四

恒序

聖世太和之雅化今觀此志而凡
官於順郡者按圖攷書可
以不下堂階而坐得一方之利
病百俗之情隱而隨時損
益之政皆於是乎在則史法
也而實兼乎人治何難即是

以徵良二千八百三政績乎哉
故喜而為之序

乾隆十五年歲次庚午

七月既望

通奉大夫直隸布政使司布

政使三韓恒文譔

序五

恒序

舊序 萬曆十年

順德之有志也始作者無所考已成化間郡守長安林君恭重刻之凡十卷嘉靖初綏德孫君錦典郡屬節判高君遷再修之凡八卷其屬詞發例一準諸子長史記第歷年既遠事當增其後來郡邑之志體難擬於國史揆之時義俱當校讐顧不佞誠聞見淺陋益以賓客案牘應接弗暇方以闕典爲慙一日郡博王子可久以彰德志視予讀之其事覈其辭直義嚴而不瀆體辨而不贅蔚宗以來僅見此作乃後渠崔文敏公之所纂輯今大學士東野郭公之所續識也足稱良史也已遂持以授諸生張四箴李芳榮李芬輩取順德事如其順德府志

舊志序

南王守誠序

又 萬曆十年

八年

邢之有志從來遠矣而篇目繁冗不無芴漫紕繆之失前環伊王公守土之日刪定舛複遂增增然熒爚綈綈卽游夏莫贊焉顧自丙戌絕筆而一時 上跡泊建置因革歲殊月異不宜湮泯無傳會直指何公復命邢 上邑乘

彼載而此逸其胡以徵前而言後人志點謏謬加拼拇
以繹舊業志存文獻深媿縉後之視今亦猶今之視昔尙
其以嗣以續俾觀風者有所攷證云知順德府事山東濱州
張延庭序

又順治
八年

順德固有志也經兵燹而原板焚矣然火滅而薪傳板雖焚
而有未嘗焚者存也我

清朝定鼎百度維新而是志獨缺余於戊子冬由西曹來守
茲土輒咨郡志以備采謠僅得遺本於斷簡中公餘之暇補
葺讀之則見有志星分疆域者此所以明天而察地也則見
順德府志 舊志序 二

有志壤賦徭役者此所以任土而作貢也則見有志官師人
物者此所以旌良闡愆恤災理紛厲名教協庶徵以至化行
而俗美也志之時義大矣哉顧使湮滅不傳余其惜之因與
寮采錦秋李公君文王公麗五王公互相咨度依次詮定爰
授梓人以廣其傳闔屬司牧諸君子咸美斯舉輸工樂業不
浹旬而工竣殆天之克襄厥志歟蓋是志也重鐫於林君恭
再修於孫君錦高君潛參訂於王君守誠復續於張君延庭
數經纂削費盡苦心幾無剩義間有繁闕疑繆時異事殊余
攷是志止於萬曆庚寅歲以文蒸變治績耿章流風逸
事所當記載者甚多亦不敢擅入以

遺意猶存一郡之文獻足徵俾後之覽踵前修而嗣後業求所爲火滅而薪傳也則志且不朽矣知順德府事濟南李盛枝序

又康熙十年

順德府志兵燹之後湮沒失傳不能攷其所自昉也粵稽明季知府林公恭成化間重修孫公錦嘉靖間又重修王公守誠張公延庭萬曆間又兩經重修雖數易其手而掌故猶存及

本朝定鼎以來散佚於殘編斷簡之中而其間山川人物之異藝文風節之盛與夫形勝險阨之要陂池臺榭之美皆殘順德府志舊志序

三

缺失次畧而未備旣乎順治八年知府李公盛枝因陋就簡復加補葺然順德拱衛

宸京爲畿南要郡星移物換之後史氏失實今之志已非昔之志也第志亦難言之矣夫志宣德闢微稽物垂軌以貽永者則也而詳畧適其分者體也縣志貴悉而理其體詳郡志貴統而要其體畧審體而立義而後可言志也稽之鄭漁仲曰志之大原始於爾雅司馬遷曰史班固曰書華嶠曰典張勃曰錄其中或浮於論議畧於事實卒無當爾雅以備國史志亦難言之矣康熙九年今

上禁修一統志憲檄徵取府志前知府楊于庭以意復修遂

獵其幽微蒐其典故正其舛僞核其名實校魯魚亥豕之訛
考損益斟酌之當卒會臥疾寢而未竟作霖承乏茲土恭逢
聖主右文修史徵取郡縣志書以備史館作霖日逐逐於簿
書征調之間謹將舊志稍爲詮次補綴考正以存一郡之文
獻至於羅網放失舊聞流風軼事未及紀載者尙俟博通之
彥商訂續成以垂一代之信史知順德府事湖廣竹山殷作
霖序

順德府志

舊志序